

UNIVERSITI SAINS MALAYSIA

Peperiksaan Semester Pertama

Sidang Akademik 1997/98

September 1997

HKA 101 Pengantar Kesusastraan

Masa: [3 jam]

KERTAS PEPERIKSAANINI MENGANDUNG LAPAN [8] SOALAN DI DALAM LIMA [5] HALAMAN.

Jawab EMPAT [4] soalan sahaja, DUA [2] soalan dari setiap bahagian.

Bahagian A

1. Sesebuah karya sastera mempunyai ciri-ciri tertentu. Terangkan ciri-ciri tersebut dan bincangkan kedudukan drama Malam Jahanam sebagai teks sastera.
2. Jelaskan apakah yang anda fahami tentang konsep mimesis di dalam penciptaan karya sastera? Bincangkan sejauh mana konsep mimesis digunakan pengarang di dalam penghasilan “Cerita Si Luncai.”
3. Berdasarkan puisi-puisi yang diberikan di bawah ini, jelaskan unsur-unsur keindahan sesebuah puisi. Buat perbandingan tentang pokok pemikiran yang terdapat di dalam puisi-puisi berkenaan.
 - a) Air yang dalam bertambah dalam,
Hujan di hulu belumlah teduh;
Hati yang dendam bertambah dendam,
Dendam dahulu belumlah sembah.
 - b) Permainya rambut dara,
Walaupun panas terasa!
Alangkah merdu bulbul berlagu,
Lupa ia diri di sangkar.

(*Haiku oleh Taigi*)

- c) Waktu gadis ayu tinggal, sekar memenuhi balai,
waktu gadis lalu, tinggalkan ranjang sepi,
selimut bersulami bergulung pun tak kau sentak,
sudah tiga tahun berlalu masih tercium bau wangi lagi.
harum pun tak penyap,
gadis ayu pun tak datang akhirnya
daun kering gugur, tinggalkan rindu dendam,
embun murni bercumbu dengan lumut-lumut hijau.

(Rindu oleh Li Po)

4. Jelaskan apakah pendekatan sosiologikal? Dengan menggunakan pendekatan tersebut buktikan bahawa cerita “Pak Pandir” dan cerita “Lebai Malang” merupakan dokumen sosial-budaya masyarakat Melayu tradisional.

BAHAGIAN B

5. Bincangkan kekuatan dan kelemahan **DUA** [2] daripada teori-teori asas kesusasteraan berikut:
- (I) Teori peniruan (*theory of imitation*)
 - II) Teori kesan (*theory of effect*)
 - III) Teori perasaan (*theory of expression*)
 - IV) Teori bentuk (*theory of form*)
6. Merujuk kepada watak Komako dan Shimamura, dan latar di dalam novel Snow Country, bincangkan persoalan keterasingan dan kesepian manusia.
7. Huraikan secara kritis transformasi yang dilakukan oleh Muhammad Haji Salleh di dalam sajaknya yang bertajuk “Ceritera yang Kedua” (rujuk lampiran) daripada episod kemunculan anak-anak Raja Suran di Bukit Siguntang di dalam Sejarah Melayu.
8. Merujuk kepada pendekatan Tauhid yang telah anda pelajari, bincangkan cerpen “Sang Goda Itu” oleh Muhd. Nasruddin Dasuki dan “Embun Hidayah Berguguran” oleh Ahmad J. Husein.

Lampiran

Ceritera Yang Kedua

“Maka pada malam itu dipandang oleh Wan Empuk dan Wan Malini dari rumahnya, di atas Bukit Siguntang itu bernyala-nyala seperti api.”

malam mulai pasang
dua orang gadis bersandar di depan senja
menunggu padi menyusu.
penantian melonglaikan gerak waktu.
di detik antara siang dan malam
halaman serasa luas hujungnya,
alun langit di atasnya sesayu arus,
ada bulan muda di pucuk siguntang samar,
menyalutkan cahaya tipis pada pucuk padi,
daun-daun tertinggi jelutung, kapur hutan,
sepi irresap ke akar tumbuhan,
melayang ke telinga mergastua,
tiada bunyi burung
tiada riang-riang yang menjeritkan gelap malam.
mereka pun tiada berkata, tiada kata yang datang,
seperti ada pembersih yang takut mencacatkan
kebeningenan lereng dan lembah.

dari puncak bukit siguntang
terkelip kuning lembut putik cahaya,
terketar di udara, berdaun halus apinya,
sejenak memancar seperti bintang timur,
empuk memegang tangan malini,
kehairanan dialir takut.

mereka himpukkan pandangan
di pusar pucuk cahaya
seperti memeliharanya dengan kehendak
untuk dikekalkan indahnya di gunung sunyi.

sunyi sempurna
ditakung oleh batu gunung
diberhentikan oleh sungai.

Lampiran

daun api melenggok turun
mengajak mata mencari bersamanya
zatnya menyerap ke buah padi kuning berhijau.
dari pondok empuk dan malimi
tampak cahaya cakerawala mulai merah jauh
mengerdip perlahan dengan alir sungai
bergerak menjadi kuning matang.

seperti air di awal tengkujuh
warna itu bergulung membalut, akar melonjak
di batang
terus disedut urat daun lebar.

emas buahnya
dan daunnya perak
di atas langit cerahnya
di bawah emas dan perak membiak.
terketar batang padi sebukit
seperti digoncang sepadang tikus,
umbinya pecah dari kepala tanah
dialiri tembaga-suasa
perak menyilau di tiap rumpun
di ladang lereng siguntang,
meriah, dilihat oleh hutan dan bukit-bukit.

hampir subuh usia malam,
di kala bintang mulai pudar
dan langit pucat seperti pipi gadis,
bayu pun berhembus
dari puncak yang menurunkan api
sesenja tadi,
menyapu lembut di celah pohon-pohon hutan,
perlahan, dengan perlahan rentak alam,
cahaya itu berpindah
dari tangkai ke tangkai
memanjat lorong ke bukit
menaiki tiap rumpun,
air emas menjalar

Lampiran

seperti api jerami,
tetapi lebih perlahan,
lebih lembut
di dalam lindungan bukit dan sunyi.
padi cahaya berkelipan,
yang nyata jadi mimpi.

selesailah sawah diemaskan buahnya
bekulah bendang di ruyung malam
hanya kuning pinang saja memercik lunak
seperti bunga jambu dari pucuknya.

makan sejurus itu sempadan bawah pun
dicurah fajar
yang segera memberat logam, jelmaan perak.
zat cairnya berlari
ke urat dan ke lebar daun.
apabila lidah bayu menyentuh buah padi
gemerencinglah tanaman
bunyinya tersirap dari sebendang tangkai
berdengung, didengungkan oleh tebing bukit.

berkeleneng daun-daun perak,
bunyinya halus, nipis di dalam udara manis
lembut seperti loceng angin
oleh pandai perak,
sayu dan sedih.
batang suasa berdenting di lereng dan di tanah
dipukul oleh angin pemain iraama
meletak rentak kepada buah dan daun.

tiap kali bayu berubah arah
iramanya bertukar,
lagu alam dimainkan gamelan alam.